

DISPUTATIO JURIDICA VALEDICTORIA,
DE

TRANSLATIONE JURIUM DEFUNCTI IN HÆREDEM,

Quam,

Trinuno Adstante,

Sub Præsidio

Viri Nobilissimi & Consultissimi

DOMINI

WILHELMI HUPEDENII,

J. U. D. & in illustri Bremensi Athenæo

Ejusd. Facult. Profess. Ord.

celeberrimi,

Placido Eruditōrum Examini sistit,

CASPARUS A RHEDEN,

Bremâ - Saxo.

Responsurus Auctor.

Ad diem XXIII. August.

b.l.q.f.



BREMÆ,

Typis HERMANNI BRAUERI, Illustris Gymnasii Typogr.

MDCCII.



JOHANNI. A. RHEDEN.

SENATORI. REIP. BREM. AMPLISSIMO.

J. U. D. NOBILISSIMO, CONSULTISSIMO.

PATRI. SUO. SUORUMQUE.

STUDIORUM.

AUTORI. ET. PROMOTORI.

HAS. STUDIORUM, PRIMITIAS.

CEU

PRIMUM. SERVITII. SPECIMEN.

HUMILLIMA. DEDICATIONE,

L. M. Q.

DICAT, ET. VOVE.

AD. NULLUM. NON. OBSEQUI.

GENUS. DEVOTISSIMUS.

FILIUS.

CASPARUS. A. RHEDEN.



SECTIO I.

De principio Translationis jurium defuncti in heredem.

§. I.

Verum non minus ac certum, quàm elegans est Juris Nat. fundamentum, quòd quoties quis de ingentis secumq; natis facultatibus disponat, (quatenus iis à Naturæ Autore, aut vicaria ejus in his terris potestate sui quasi limites positi non sunt,) toties pro norma habendum sit illud: *Prouti quis de re sua disponit, ita jus est.* Quod ipsum, licet aliis verbis in mysteria LL. Decemviralium (quæ omnibus omnium Philosophorum bibliothecis anteponit Scævola apud Cicer. lib. 1. de Orat.) relatum esse semitracæ earum ex inagno naufragio tabulæ evincunt. *Ulti quis, dicunt, rei sue legasset. Sc.* Postquam enim homini à summo Legislatore, quâ fertur in eum liberalitate, naturâ concessum est jus occupandi æquale rerum, quæ nullius sunt, cum animo sibi habendi, ita, *ut quod cuiq; obtigerit, id quisque teneat*, ut Cicero loquitur; cum in illis nullus jus habeat, unâ quæsitæ est eidem illarum domino legitima facultas disponendi, transferendique juris, quæ præcipua illius facultatis pars est, in alterum, qui eas antè non habebat, prouti lubet. Hactenus insuper libertas adest, & facultas à Nat. mihi concessa commutandi juris, quæ LL. prohibita non apparet, adeoque ab alio nullo modo impediti potest. Maximè cum hoc ipso alteri nulla inferatur injuria, cum de jure mihi quæsito disponam, & re facultateque mea ita utar, ut alterius à natura sibi concessa facultas maneat integra intactaque. Quod ipsum & Imp. Justinianus in §. 40. *Inst. de rer.*

Immot a jure N. regula est, uti quis de re sua disponit, ita jus est.

*droif. probè intellexit. Nihil, inquiens, tam conveniens est Natu-
rali equitati, quàm voluntatem domini volentis rem suam in alium
transferre, ratam haberi, & Philosophus Rhetor. cap. 5. eum sta-
tuit proprietatis effectum, ὅταν ἐφ' αὐτοῦ ἡ ἀπαρχὴ μετασῶται. Nec
minus Cicero firmissima libertatis fundamenta dicit, sui quem-
que juris & retinendi, & dimittendi esse dominum Orat. pro L. Corn.
Balb. c. 37.*

*hac disponē-
di facultas
transferen-
diq. juris
tollitur mor-
te.*

§. 2. Verumtamen hoc transferendi juris, propt̃ lubet,
arbitrium concessum est viventibus ad vitæ compendia, & ab
anima dependet. Quare cū qui emigravit è vivis, vivens
amplius non sit, necessariò inde sequitur, illam facultatem
non posse durare, postquam quis non amplius est in hac mun-
di fabrica, sed necessariò cum ultimo vitæ humanæ spiritu
expirare: adeò ut in ipsum nostrum patrimonium, autore Quinti-
liano in Declam., omne jus nobis permittatur viventibus, auferatur
verò morientibus. Et secundum Ciceron. in tract. de fin. bon. &
mal. lib. 2. quasi ex oráculo sit editum, nihil post mortem ad nos per-
tinere.

*inde non da-
tur à Natu-
ra transla-
tio jurium
defuncti in
hæredem.*

§. 3. Isthinc indubitato constare puto argumento, à sim-
plicitate juris N. abhorrere, ut quis post ultimam rerum li-
neam seu mortem, cū homo esse desit, jura transferat in
hæredem, sive is ex ultima testatoris voluntate, seu ab inte-
stato succedat. Quod enim quæso vel momentum dari pos-
set, quo translatio hæc à defuncto fieri, & inde jus alteri
quæri queat? An illo vivo? cū viventis nulla sit hæreditas
l. 1. ff. pro hered. l. r. ff. de hered. vend. cū non possit succedi
defuncto, antequam defunctus sit, & manifesta pugna sit, in
ejus locum surrogari hæredem, antequam ipse illo loco sit
exemptus. Vel an eo mortuo? cū nullus amplius sit ex
cujus dispositione hoc ipsi concedatur, nec ullum jus defun-
cti superfit, sed morte penitus sublatum, atque extinctum
per §. 2. Quare & antiquissimis sæculis patres, de rebus, bo-
nisque suis non disposuisse, sed ea inter quos voluere distri-
buisse, tum cū Paræ extrema legere fila videbantur, ut
eo ipso jura ac bona in vivos à vivis transferantur, tradit eru-
ditissimus Juris Nat. scriptor Puffendorf, d. J. N. & G. l. 4. c. 10. n. 6.

Nec

3

Nec aliunde dicerem referendum esse Romanorum illum morem priscum in illa *nummi* seu imaginaria venditione per æs & libram usitatissimum, qua inter vivos jus, non à mortuis in vivos transferrebatür, v. §. 1. *Inst. de test. ord. A. Gell. noct. Attic. lib. 15. c. 27.*

§. 4. Idque eò magis, cùm omne negotium, quod inter duos de transferendo jure geritur, non nisi utriusque consensu perfici naturaliter possit, ita ut alter, qui jus suum transferre vult, declaret se dare, alter autem, in quem transferre vult, se accipere velle, ita ut illi eodem tempore velut conspirando inter se uniantur. Cùm alter non magis jus habeat rem suam mihi obtrudendi, quàm ego auferendi ejus rem. Quod & eleganter supponitur in Jurisprudencia Romana l. 37. §. 3. d. acq. rer. dom. l. 10. ff. de donat. hinc ne quidem per alium possumus acquirere, nisi nostro nomine acceptet, h. 10. §. 1. & 2. ff. de acq. rer. domin. Confer. Grot. de J. B. & P. l. 2. c. 6. Ipsum hoc & Cicero probat in *Top. ad Trebat.* in *Causa Marcini & Plutarch. quest. sympos. l. 9. c. 13.* In hac autem defuncti jurium translatione solus hæredis, cùm acquirit, est consensus, quoniam cum defuncto nihil geritur, qui jam non amplius est in rebus humanis rebus post terga relictis, neque de transferendo jure consensum præbere potest, qui intellectum voluntatemque supponit; quæ in mortuis neque esse, neque sufficientibus signis exprimi queunt. A quo non ablutunt quæ attulit modò laudatus Puffendorf. d. *Jur. Nat. lib. 4. cap. 4. n. 10.*

§. 5. Ergò indubitatum Juris N. manebit fundamentum, translationem defuncti jurium nullam esse à Natura, sed res relictas à defuncto, tanquam nullius, (cùm qui eas occupaverat mortuus sit, ac cum illo ejus jus) pristinæ vacue fieri occupationi, & redire quasi postliminio in eum statum, in quo primum fuerant, quicquid in contrarium afferat egregius J. N. scriptor Grotius d. J. B. & Pac. l. 2. c. 6. §. 14.

§. 6. Quod ipsum homini, in ipso ultimi spiritus momento constituto, certè foret luctuosissimum, utpote cui superme quoque voluntatis, postquam aliud velle non potest, non foret liber

maximè
cùm Nat.
jure ad
translationem
requiratur
duorum
consensus,
qui hic defunct.

Quare patrimonium defuncti tanquam nullius cedit occupanti.

Sed luctuosum hoc J. Nat. principium fictio-
is, mitigare

voluerunt
Jcti Ro-
mani.

stylis, nec licitum quod iterum non redibit arbitrium. l. 1. C. de SS. Ecclef. Hoc ut præcaverent acutissimi LL. Rom. conditores, ac solatium quoddam duræ mortis præberent, neque tamen Juris Civilis rationem à Naturæ jure sejungerent, totum hoc negotium non minùs subtiliter, quàm falubriter fictione quadam, & colore adumbrare voluerunt.

Quæ hæres
cum defun-
cto una per-
sona cenfe-
tur.

§. 7. Nimirum cum hominis mortui jura morte sint extin-
cta, voluerunt tamen in defuncto personam hæredis, quasi nul-
la interveniente ultima necessitate, continuari, eumque dein-
de repræsentare personam defuncti, l. 59. ff. de R. Jur. Ut ita
in ipso ultimi spiritus momento jurium omnium bonorum-
que universitatis egregio quodam commento ac compendio
à defuncto ad hæredem *ὁ δὲ χεῖρὸς εἰς χεῖρὰ μετατίθεται*, ut Theoph.
Institutionum paraphrasis pro temporum suorum ratione sa-
nè docti, verba mea faciam, facta esse videatur. Ut adeo
in eo non subtilitas tantùm quædam sit & argutia, nulla re
subjecta, ut Seneca l. 6. de benef. c. 5. parùm aptè irrisit nostros,

Hinc prin-
cipiis omnis
translationis
jurium
defuncti in
hæredem,
qui omnia
acquirat,
quæ in pa-
trimonio
defuncti.

§. 8. Hæc ipsa itaque juris Civilis fictio, non Naturæ,
(à qua penitus exulant fictiones) tanquam fontem omnium
defuncti jurium in hæredem translationis aperire videtur.
Cum enim jura hæredis habeantur, ac si continuò postquam
vias mortis ingressus sit defunctus hæres extitisset, ita ut u-
pitas quoque personæ fingatur *Novell. 48. præfat. l. 22. ff. de u-
susp. & usuc.* ex eo indubitato sequitur argumento, quòd quæ-
cunque res, mobiles & immobiles, jura, nomina, & actiones
cum aliqua causa in defuncti fuere patrimonio, modò morte
non extincta, licèt ab eventu pendeant, (cum sint jura even-
tualia defuncti, de quibus spes est debitum iri. l. 57. ff. P. O.
§. 4. Inst. eod.) illa universa transeant ad heredem, seu dimittan-
tatur, (quo sensu transferre & dimittere, & continuare
jura pro synonymis habentur l. 10. C. unde VI.) cum non debeat
minùs in eum transferri, quàm transferens habuit, & trans-
ferri voluit arg. l. 20. pr. de acq. rer. domin. l. 120. ff. de R. Jur. Nam
etsi tertius aliquid ex defuncti bonis, aut juribus teneat, ha-
bet is illud quidem, at non in suo patrimonio, quia non ju-
re habet, & obligatur hæredi, cujus patrimonio id abest, l. 35.

in pr.

in pr. de Obl. & Act. ex communi iustitiæ regula pr. Inst. d. Justit. & Jur. ad restituendum, in quo *τὸ ἴον*, illud *equale*, ut vocat Philosophus, vel *illud suum cuique* secundum Jctos consistit. In hoc ergo, quod diximus, fundamento tota jurium defuncti in hæredem translatio se fundat, in quo campo in præsentia rerum exercere industriam mihi sententia sedet, cum laudabilis haud esse possit etiam qualiscunque conatus.

§. 9. Hæc universitas, quæ omnia defuncti jura ad hæredem transeuntia continentur, varia in jure nostro sortitur nomina: sic vocant *Patrimonium* Jcti in l. 16. pr. ff. ad Scdm Trebellian. l. 5. pr. ff. de V. sign. & eo quoque sensu repperio apud Jctissimum Ciceronem lib. 2. Epist. ad Famil. 2. & de finib. bon. & mal. lib. 5. & in orat. pro Cæcinn. it. pro domo sua. LL. XII. Tabb. vocant *Familiam*, dum præcipiunt, *Si paterf. inestato moritur familia pecuniaq; ejus agnatorum gentiliunq; esto*, apud Ciceron. de Invent. l. 1. c. 30. cujus quoque fragmentum legimus in l. 195. §. 1. ff. d. V. sign. Quod & imitati Jcti in LL. dum dixeret, *familie heriscunde arbitrium* pro dividenda hæreditatis, ac juri, quæ in ea continentur; & *familie emtorem*, qui totam hæreditatem emit. Quamvis & recepta juris significatione familiæ appellatione omnes, qui in servitio continentur, veniant l. 1. §. pen. ff. de publ. & vetig. l. 1. ff. si famil. furt. seciss. Ad datur Pignor. de serv. p. m. 42. & Popm. de oper. serv. p. 12. Insuper quoque *dominium* dicebatur. Veteres enim hæredes pro dominis dixisse indicio sunt l. 78. pr. de acq. V. omitt. hered. l. 22. de statu lib. & in Nov. c. 1. *κύριον γίνεσθαι τῶν βαλνυπικῶν κληρῶν*, pro eo quod est, *hæredem esse curialium bonorum*. Valer. Mart. lib. II. conjungit utroque

Hæredem dominumq; sui tumuliq; Larisq;

Non alium mallet.

Addatur Festus l. 8. & Isid. Origin. l. 10. c. 4. in pr.

§. 10. Omnis ergo in eo vertitur quæstio, ut fines patrimonii defuncti accuratè describantur, ac hoc modo quod in patrimonio defuncti fuit, ab eo, quod in alterius est ritè discernatur. Ad cujus rei notitiam me magnum pondus allaturum existimo, si duplex constituatur patrimonium, alterum defuncti, quod totum ad hæredem transit

Hic jurium complexus dicitur patrimonium, familia, dominium &c.

Enumeratio eorum, quæ sunt in patrimonio seu quæ in hæredem transeunt, quæ non:

per

per §. 8. alterum alicujus tertii, seu Mævii, & quasi per factam hoc loco exhibeatur series eorum, quæ dicenda erunt in seqq. seu quænam ea sint, quæ etsi fortè Mævius habeat, non tamen in patrimonio Mævii, sed defuncti sint. Transeunt ergo ad hæredes (1) res, quarum jus reale fuit defuncti, quod clarum est, de quibus *sect. 2.* (2) quicquid defuncto ex contractu vel quasi Mævius debuit, vel ejus æstimationem *l. 49. l. 143. V. S.* quod enim ex his causis Mævius defuncto debuit, non amplius est æs suum, sed alienum vel defuncti, *l. 213. §. 1. d. V. S.* ergo & hæredis, per §. 81. De Hoc dicemus *sect. 3.* Quin & (3) quicquid ex delicto vel quasi defuncto debebatur, sive sit damnum seu simplum, sive jus pœnam petendi seu duplum &c. Cum enim & jus persequendi delictum, & ipsa damni quantitas fuerint in bonis defuncti arg. *l. 24. d. V. S.* naturali ratione hæc præstanda sunt à Mævio delinquente hæredi defuncti, cujus jam patrimonio id abest per §. 7. & ad quem totum patrimonium descendit per §. 8. De his acturi *sect. 4.* Secus se res habet in his, quæ facti sunt, quæ quoniam cum persona intereunt, utpote cujus quoque ossibus inhærere dicuntur, tamque diu valent, donec in vivis est, in hæredem transire nequeunt, in quo Juris Natur. cum Civili adhuc perpetua quædam est conspiratio, Vid. *sect. 5.*

SECTIO II.

De

Translatione jurum realium defuncti in hæredem.

§. 1.

*Connexio
huius sect.*

Summa rerum generâ esse jus in rem & in personam, seu ut barbarè loqui non nulli amant cum Canon. jus ad rem, inter omnes ferè constat, *V. cap. fin. de concess. præb. in 6to. l. 19. ff. de damn. inf. l. 30. ff. de noxal. action.* Illius juris species (licet quot homines, tot ferè in hac causa sint sensus) quatuor tantum statuere non dubito. Dominium, servitutem, Jus hære-

hereditarium, & Pignus. Possessionem esse meri facti l. 1. §. 3. Et 4. l. 20. ff. de acq. V. omitt. poss. l. 12. §. 2. cap. Et post. dicetur latius sect. 5. Cum autem in hac sectione de juribus in re dicturi simus, primo loco de dominio, ceu præstantioris juris specie, dispiciamus.

§. 2. Rerum itaque, quarum dominus fuit defunctus, & quæ in ejus patrimonio fuisse, efficitur dominus, idque ipso jure, seu hoc ipso, quod hæres factus est, quod satis aperte refert l. 63. pr. ff. ad Sit. Trebell. l. 1. ff. de bon. poss. & suos hæredes vivo patre quodammodo dominos esse affirmat Imp. §. 2. Inst. de hered. qual. Et differ. Nullum ergo dubium, quin hæres possit persequi quicquid defunctus reliquit seu res hæreditarias à possessore titulo singulari possidente. Unde & sum petere l. 10. §. 1. ff. de her. pet. & vindicare l. 8. ff. eod. dicitur.

Transit ad
heredem
dominium
plenum.

§. 3. Non solum autem dominium plenum seu jus plenum, uti non semel vocatur à Jctis in l. 17. ff. q. m. usufr. am. l. 126. ff. d. V. O. l. 17. §. 1. ff. de rei vind. sed & minus plenum, ut vulgariter vocatur, in heredem transit, sic jus Emphyteusis ad hæredes transmittitur §. 3. Inst. d. loc. Et cond. nec refert utrum Civilis sit, an Ecclesiastica, cum Nov. 7. cap. 3. (qua constitutum, ne emphyteusis Ecclesiastica detur ultra tertium gradum) mutata sit per Nov. 120. c. 1. Neque quicquam obstat, quod non uno loco in jure nostro dicatur servitus. Nam resp. est servitus ratione directi domini, quia est jus in re aliena, at ratione utilis domini est proprietas. Aliud tamen erit, si pacto aliter fuerit conventum v. gr. si sit constituta pro se & hæredibus descendantibus, ad testamentarios vel collaterales pervenire nequit, sed repelluntur exceptione doli, quod contra pactum veniant. V. Bacchov. ad Treutl. Vol. 1. Disp. 29. th. 11. lit. e.

Etiā do-
minium mi-
nus plenum,
ut jus em-
phyteusis.

§. 4. Hujus domini acquisitionis cum fiat usucapione per tot annorum possessionem, quæ eminet inter modos civiles, l. 3. ff. de Usurp. Et Usuc. quæritur, an hæres usucapionem ab antecessore bona fide & rite coeptam continuare valeat? quod de jure Civ. nullum habet dubium, & est notissimi juris §. 7. Et 8. Inst. de Usucap. l. 14. §. 1. Et seq. de div. temp. præser.

Tempus
usucapionis
quatenus
continetur
in heredem,
ubi questio
examina-
tur, an hæ-

Cum

res ex sua b.
f. possit usu-
capere?
quod affirm.
contra Od.
nonnullos.

Cum enim defunctus in persona hæredis vivere adhuc intel-
ligatur, vel potius eadem sit persona, *per sect. 1. §. 7.* eadem
possessio quoque, quæ procedebat defuncto, eadem & pro-
cedat hæredi oportet. Quod & obtinet licet ipse sit in ma-
la fide, (modò defunctus fuerit in bona fide) *§. 7. inst. eod. l.*
43. de Usucap. l. 2. §. 19. ff. pro emt. Cum in una eademque per-
sona Jure Civile superveniens mala fides non impediatur usu-
cipationem; idèò ejus mala fides eam impedire non potest.
l. 48. §. 1. de acq. rer. dom. Hodie, cum jure Canon. c. 5. *X de*
prescript. & moribus superveniens mala fides noceat, & ipsius
hæredis bona fides requiritur. Quæritur insuper, an hæres
novam usucipationem à se inchoare possit, seu ex sua bona fi-
de usucapere possit pro hærede, si defunctus fuerit in mala
fide? Non desunt, qui ab utraque parte militant, Contra
hæredem Donellus, Bacchovius, Carpzovius, Struvius. Sed
pro hærede, ne de aliis dicam, Lauterbachius agit: in cu-
jus castra quoque in hoc sententiarum conflictu discedere
non erubescimus. Nihil enim hoc jure magis ordinarium,
id quod quoque ante conjunctionem temporum obtinuit, ut
quis ex suo facto & titulo usucapere possit, quod clarè docet
Ulpianus in *l. 5. pr. ff. de div. temp. p. scr.* Nec interruptio im-
pedit, quo minùs nova inchoari possit, cum possideat bona
fide & justo titulo seu pro hærede, qui *tot. tit. ff. inter usuca-*
pionis titulos recensetur. Sic ergò hoc, à quo ipse incipit,
aliud est à priori, quod à defuncto mala fide gestum erat, ne-
gotium, aliud usucipationis initium, alia denique usucapio *l.*
15. Videtur tamen dissentientium opinio juvari loco Impp.
Arcadii & Honorii in *l. 11. C. de acq. poss.* sed resp. non satis
animum adverterunt ad ejus legis mentem, quæ vera est,
quoties quis adminiculo ex persona defuncti uti vult, adeo-
que ut NB. hæres usucapere: non autem loquitur de casu,
quando quis ex NB. proprio jure, non successionis, vult usu-
capere. Quo quid clarius ac in jure notius sit, non video.

Donatio
mortis causa
ad hæredes
non transit.

§. 5. Modus quoque civilis acquirendi dominium est
mortis causa donatio *§. 1. §. 2. Inst. de donat.* quæ quoniam ex-
tinguitur regulariter morte Donatarii ante mortem donan-
tis,

tis, ipso jure ad hæredes non transit *l. 23. l. fin. de don. mort. caus.* Provenit enim hoc ex præsumpta donantis mente, qui præsumitur voluisse donare illi donatario tantum, non autem ejus hæredibus, cum non eandem de illis fiduciam ac de ipso donatario habuerit.

§. 6. Quid si ergo simul moriantur donans mortis causa & donatarius, vel nesciatur saltem, quis prior vitâ excesserit? Manebit firma donatio, & ad hæredes donatarii transibit, arg. *l. 26. l. 18. ff. de reb. dubiis*, & ex regula illa juris notissima: pro validitate actus fit interpretatio. Lauterb. *ad Tit. de Mort. c. don.* & cum mortis periculum jam cogitaverit donator in mortis causa donatione, morti quoque jam propior fuisse censebitur.

Si donans & donatarius simul moriantur, transit.

§. 7.¹ Si facta sit donatio *ne unquam revocetur*, itidem in hæredem transibit, nam quod ista donatio virtute promissionis de non recocando fiat instar donationis inter vivos, & sic ad hæredes donatarii transmittatur, textus expressus est in *l. 27. ff. de mort. caus. donat.* cum mortis causa donasse non possit intelligi, qui facultatem omnem revocandi ad se rem donatam sibi ademit. Ita quoque tenent Mantic. *de conj. ult. vol. lib. 1. tit. 13. n. 5.* Carpz. *p. 3. conf. 1. c. 1. des. 30.* Fachin. *lib. 5. contr. 23.* Richt. *decis. 22. n. 4.* ubi præjudicia allegata videantur: Bacchov. *Vol. 2. disp. 19. th. 9. lit. A.* Idem dicerendum est, si expressa sit donantis voluntas, quod valitura sit *pro se & heredibus* Covorruv. *in rubr. p. 3. n. 25. V. ex quibus Menoch. lib. 3. præf. 35. n. 7.* Richt. *decis. 22. n. 10.*

Item si facta sit, ne unquam revocetur, vel pro se & heredibus.

§. 8. Aliud jus in re est servitus §. 2. *Inst. de Act. servitu-* tum verò aliæ personales, aliæ reales, ita dictæ ab utilitate, quæ inde vel in personam, vel in prædium redundat. *l. 1. ff. de servit.* De realibus nullum dubium quin simul cum prædiis, quæ non moriuntur, ad hæredes transmittantur. *l. 3. ff. q. serv. amitt. l. 23. §. 2. de serv. præd. rust.* Ratio est, quia hæc jura perinherent prædiis, (his enim debentur, non personis) secundum juris dispositionem, uti bonitas, salubritas, amplitudo, *l. 86. d. V. S.* adeoque non possunt, nisi cum sua causa, ad hæ-

Transit II. jus in re s. servitus prædialis

redes transire, nec mutari factis, quæ contingunt in personis possidentium. *arg. l. 67. ff. de contr. emt.*

Nisi contemplatione personæ constituta, quo casu male nova servitutum species effingitur.

§. 9. Sæcus tamen erit, si constituta sit servitus contemplatione personæ *sc. ut hæredibus non competat*, quo casu hæredi non præstabitur eadem servitus: *l. 4. ff. de serv. præd. rust.* Malè tamen JCorum nonnulli hanc distinctam faciunt speciem; Acutissimus Lauterbachius peculiari nomine vocat *personalem extraordinariam*, sed (quod pace Viri tam egregiè de Jurisprudentia nostra meriti dictum volo) invitâ Minervâ. Aut enim (α) sunt constitutæ ad prædii utilitatem licet personæ intuitu, & tum verè erunt prædiales, & in hæredes non transeunt *solum ex pacto adjecto, l. 4. § 5. ff. de servit.* speciem autem juris ideo, quod pactum ei adjectum sit, mutari, quis dixit unquam? Aut (β) verò ad utilitatem personæ, & tum ne quidem erunt personales. *l. 14. §. fin. d. alim. leg.* sed nudum jus ad rem *d. l. 14. §. fin. d. alim. leg.*

Explicatio l. 14. §. fin. de alim. leg.

§. 10. Hæc lex miserè torisit ingenia Criticorum, dum alii lectionem Florentinam retinendam esse contenderunt, alij autem variè præter Codicum auctoritatem audaciter interpunxerunt. Ita autem tenendum. Hæc lex loquitur de nudo legato aquæ ad alimenta relicto, adeoque non de servitute, sive reali, sive personali, sed de jure ad rem. Nec enim illa verba: *nam § haustus aquæ &c.* ad sententiam optimi JCTi pertinent, sed ad objectionem adhuc; cum sententia demum incipiat à verbis: *Hæc enim aqua personæ relinquitur.* Et sic nulla correctione opus est, sed sensus Legis est facilis & planus, nec infrequens est JCTis talis disputandi ratio. *V. l. 41. de pign. act. §. 11. Inst. de Leg. l. 14. §. 11. de minor. l. 25. de fidejuss.*

Non ex personalibus, ususfructus.

§. 11. Personæ servitutis species est ususfructus; qui de sua natura ad hæredes non transit, sed extinguitur morte usufructuarii, consistit enim in facto personæ percipientis, *§. 3. Inst. de usufr. l. 3. §. fin. eod.* Quod adco verum est, ut etiam ante diem adjectum vel conditionem extinguatur, *l. 12. C. de usufr.* Si tamen hæredibus simul constituta est, desertur primis, non reliquis, *l. 14. C. de usufr.* non tamen quæ hæredibus, *l. 38. §. 10. 11. 12. d. V. O.* sed ex constitutione domini. Nam duplex

duplex hic est usufructus constitutus distincta, altera pura, & jure constituitur, altera conditionem in se habet, si decesserit usufructuarius primus, & heredes extiterint Bacch. ad Treuth. disp. 16. §. 4. lit. a.

§. 12. De ultimi anni tamen fructibus notandum, quod fructus pendentes naturales & industriales V. Aristot. 1. Polit. §. 2. Physic. in pr. (nam de perceptis, quin illos ad hæredes transmittat, nullum dubium per l. 36. §. ult. l. 58. pr. de usufr.) et si maturi, ad dominum soli, non ad usufructuarii hæredes pertineant. l. 120 §. 5. de usufr. l. 13. q. mod. us. amitt. l. 8. in fin. de ann. leg. §. 36. Inst. de ver. divis. Confer Christin. Vol. 2. decis. 176. n. 17. 18. & Perez. in Cod. de usufr. n. 31. Quoad naturales tamen magna & desperata ferè Autorum est varietas, V. Hartm. Pistor. lib. 1. q. 24. n. 83. seq. Sed manet interim indubitata juris regula, fructus pendentes sequi jus soli, ejusque dominum, ut scietur ventrem l. 44. rei vind. l. 49. §. 1. eod. cum ad quem tota res pertinet, ad illum quoque pertineant partes. Exceptio est, si dominus jus quoddam temporarium, quale est usufructus, alii concesserit, tum enim fructus medio tempore, & quousque hoc jus durat, ad illum pertinent, cui concessum tale jus, & interim sequuntur non jus soli, sed juris illius temporarii vel usufructus. Posteaquam verò hoc temporarium jus morte est extinctum, naturali ratione sequitur, ut quasi reviviscat jus pristinum, & fructus pendentes iterum cedant fundo ejusque domino, non hæredibus usufructuarii; quemadmodum hoc ex genuinis Juris G. fontibus deductum est in Disput. habitâ Francofurti: Preside Excell. Dn. Coccejo, De Jure Semin. sess. 3.

Neque finito usufructus pendentes, qui cedunt fundo ejusque domino.

§. 13. Omnium tamen Dd. consensus est atque conspiratio, quod impensas seminis & fructuum mercedisque operarum hæredes usufructuarii petere possint; cum fructus non sint, nisi deductis impensis in eos factis, l. 38. §. fin. de hered. pet. l. 46. de usur. & æquitas hoc flagitet, ne dominus ita lucrètur messim usufructuarii operâ quasitam paratamque. Carpzov. p. 3. constit. 32. d. 12. n. 4. seq. Berlich. p. 3. conclus. 43. ibique allegati Dd.

Impensas tamen seminis hæredes repetunt, ut & fructuum.

*Fructus Ci-
viles, qui
singulis mo-
mentis per-
cipiuntur,
pro rata
tempore
hæredes ac-
quirunt.*

§. 14. Hoc quoque observandum, quòd si fructus sint civiles, *V. l. 26. de rei Vind. & singulis momentis percipiantur, non certo aliquo tempore, uti operæ servorum, habitatio, quòd tum pro rata temporis, quo usufr. vixit, computentur, ut ad hæredes pertineant, qui illo vivo perceptos esse intelli- gi possunt. l. 26. de usufr. & arg. l. 58. pr. ff. eod.* Singulis enim momentis suam nascuntur perfectionem, & maturitatem habent, & eo ipso dum præstantur, videntur quasi ab ipsa ædium aut servi substantia separari ac ita percipi intelligun- tur. *l. 18. §. fin. de stip. serv. Perez. in Cod. de usufr. n. 29.* Quod si verò certo anni tempore, & semel percipiantur, pertinent ad fructuarium ejusque hæredes, si vivo fructuario percepti sint, *V. l. 58. pr. ff. eod. add. l. 29. de heredi. pet.*

*Si certo an-
ni tempore,
sub distin-
ctione.*

§. 15. Si verò nondum sint percepti eo vivo, non debe- buntur, quia non amplius fructus ad fructuarium pertinent, cujus jus morte jam extinctum est. *arg. l. 8. §. 2. ff. de per. & comm. rei Vend. In his omnibus fructibus quid Jure Saxon. obti- neat, ubi regula: Was die Elge bestrichen/und die Hache bedeckt / das folget dem Erbe. V. Landrecht l. 2. art. 58. Hartm. Pist. l. 1. quest. 24. n. 73. Carpz. p. 1. const. 5. d. 21. n. 3. & seq. 14. p. 3. const. 32. defin. 5.*

*In dotalitio
quid obti-
neat cum
ratione
ipsius dota-
litii, tum
fructuum
ultimi anni.*

§. 16. Quæ hætenus de usufructu ex Jure Civ. diximus, eadem quoque in dotalitio, quod uxori viduitatis tuendæ gra- tia constituitur, obtinent. Licet enim Jure Civ. incognitum sit hoc jus, cum tamen ad familiarum illustrium dignitatem conservandam moribus sit introductum, non poterit ad aliud jus applicari, quam usumfr. cum sit jus in re, & omnes ejus definitiones illi convenient. Tollitur ergò morte ex natura ususfructus dotalitium, nec ad hæredes tranfit. Hemel. *de dotal. c. 10. §. 25.* Sic quoque ratione fructuum obtinet non Jus Saxonicum, quo pro rata dividuntur inter Principem territorii, & hæredes scæminæ illustres *Const. Elect. 16. p. 3. Richt. decis. 56. n. fin.* Sed commune: Myler. *Gnomol. cap. 14. sect. 2.* ut fructus pendentes pertineant ad principem Territorii, non ad hæredes viduæ: Ratio ejus est quoniam Jus Saxon. non obligat personas illustres, aut familias illustres diverso- rum

rum Principatuum; cum altera alterius loci statuti subjecta non sit. Ut taceam pro Jure Communi tamdiu esse presumptionem, donec appareat, esse sublatum: Imò contra omnem juris & æqui rationem duplum consequeretur scemina illustris, cum ea quoque ab initio pendentes fructus acquirat, Myl. d. tract. c. 33. n. 1. Ergò sequendum Jus Civ. & fructus pertinebunt ad Principem territorii, deductis tamen hinc quoque impensis per dicta §. 13. Hartm. Pist. q. 24. n. 75. ubi Wesemb. refutatur qui p. 2. constit. 93. n. 10. ex lege celebri 7. §. 1. sol. matri. divisionem urget. Köpp. Decis. 30. n. 15.

§. 17. Sequitur jam ordine usus, qui in hæredem non transfertur, l. 2. junct. l. 3. ff. quand. dies leg. De habitatione quoque idem est judicium, h. 10. pr. ff. de us. & hab. etiam in singulos annos sit relicta, nam licet debeatur, & dies illius cedat initio cujuslibet anni l. 11. ff. de us. & usufr. leg. ad hæredes tamen non transit, si ipse legatarius, decedat post annum inceptum, & ratio patet, quia sc. habitatio morte extinguitur, sicut usufructus, l. 13. C. de usufr. junct. l. 3. pr. ff. q. mod. usufr.

Usus quoque, nec habitationis servitus in hæredes transit.

§. 18. Ultimo loco inter servitutes personales referuntur operæ servorum, l. 3. ff. de op. serv. quæ servitus uti in multis ab usufructu & usu differt, V. Bacchov. ad Wesemb. tit. de Oper. serv. lit. A. ita & in eo recedit ab eorum natura, quod non finiatur hoc jus morte ejus cui debetur, sed in hæredes transeat. l. 2. de op. serv. l. 2. de usufr. leg. Consistit enim hæc servitus in facto operandi, seu servi, non ergò perit morte ejus, qui habet hæc servitutem, quia in ejus facto non consistit: in quo posita est ratio differentie ab usufructu, qui in ipsius fructuarii facto consistit, V. §. 11. Et insuper hæc operæ non prius dici possunt existere, quam actu ipso præstantur, sed eodem suum esse incipiunt momento, quo percipiuntur l. 1. eod. l. 9. de oper. libert. Quod ergò nondum est, nulla ratione finiri potest, & ut scholasticorum filii dicunt, non entis nulla sunt accidentia. V. Wesemb. in Paratit. ad Tit. de op. servor.

Non tamen operæ servorum morte extinguuntur.

§. 19. Sequitur jam tertium jus in re, sc. hæreditarium, ejus & in hæredem datur translatio, quæ inspecie transmissio

III. Juris hæreditarii in hæredem

*transmissio
examina-
tur.*

sio vocari solet. Licet enim regulariter hæredis hæres adire nequeat, l. an. §. 5. C. de cad. toll. l. 7. C. de jur. delib. Ejus enim mortē hæreditas est amissa, seu in ea causa esse cœpit, ut jam adeundo acquiri non possit: quæ sc. amplius adiri non potest, non à mortuo, qui non amplius est in rerum natura, nec ab hæredibus defuncti, quibus jure non defertur, quia ad eos non transmittitur. Doñell. Comment. lib. 7. c. 4. Attamen iustis de causis hoc jus temperatum est, partim constitutionibus, partim prudentum interpretatione, & admissa est hæc translatio seu transmissio (1) jure suitalis in quoscunque hæredes nuda sui hæredis existentia, l. 8. C. de suis & leg. (2) jure sanguinis, à descendantibus etiam non suis ad solos descendentes, non alios, modo sit delata, l. an. C. de his qui qui ant. ap. tab. (3) jure deliberandi, & fit à quibuscunque hæredibus in quoscunque & Justinianæ dicitur, l. 19. C. de jur. delib. De his transmissionum generibus V. latius De ad Tit. ff. de acq. v. mitt. hered. & Gomez. resol. 1. cap. 9.

*Jus petendi
supplemen-
tum legiti-
mæ ad hære-
des transit
item. Falcid.
& Trebellianica.*

§. 20. Sed an jus legitimam vel supplementum legitime petendi ad hæredes transeat quaritur? Affirm: modo prætoriatur. l. 1. §. 21. ff. de collat. etiamsi non præparatum arg. l. 10. C. ad Leg. Falcid. quia legitima est jus competens ex beneficio Legis, l. 7. pr. ff. de bon. damnat. imò ad hæredes extraneos quoque transmittitur ipso jure, V. Gail. obs. 120. n. 17. it. obs. 131. n. 12. Mant. de cons. ult. volum. Lib. 7. Tit. 8. num. 10. etiamsi filius decedat pendente conditione, quia respectu hujus rejicitur ipso jure omnis conditio, vel dilatio quodcunque onus introducens, l. 32. C. de Inoff. test. & sic institutio remanet pura Gomez. var. resol. tom. 1. c. 9. n. 49. quod & Peregrin. de jur. fisci l. 5. tit. 1. num. 79. eò usque extendit, ut jus detrahendi legitimam etiam transeat in fiscum, scil. si filius delinquat post mortem patris. Eadem quoque usu veniunt in Falcidia l. 10. C. ad L. Falcid. & in Trebellianica d. l. ita ut & ad extraneos transeat.

*Legata vel
fideicomm.
purè reliqua
transcunt*

§. 21. Venio jam ordine ad fideicommissa & legata, quæ cum purè relinquantur, vel sub conditione, de illis dispiciendum est prius. Legatum ergò purum transmittitur ad

ad hæredes legatarii, etiam si non agnatum, l. 5. pr. ff. l. 3. C. in hæredes, *quand. die leg.* Modò tamen; quod notissimum, legatarius vel fideicommissarius superstitis testatore, non desinit inter homines esse. l. 57. ff. de Leg. 2. Dies enim in legato puro cedit ex tempore mortis testatoris, l. 5. §. 1. ff. *quand. die leg.* nisi personæ cohæreat, aut in facto legatarii consistat, per ea quæ dicta sunt. *fest. 1. th. ult.*

§. 22. Hinc in hæredem non transit *legatum operis*, l. 22. *Exceptio de usu & habit. nec usufructus*: quare nec fructus ullos hæredes usufructuarii petere possunt, licet non modò annus cøperit, sed & anni hujus fructus sint pendentes, quin etsi sint maturi, l. 13. q. mod. usufr. §. 36. *Inst. de re. div.* Cum enim dies ususfr. initio anni nondum cesserit, nullum jus radicatum fuit in usufr. defuncti persona, quoad hos fructus, quod ad hæredes transire valeat per regulam, l. 54. de R. J.

§. 23. Veteri jure quoq; ante Justinianum *legatum optionis*, l. 2. *It. jure vel electionis*, ad hæredes non transibat: quoniam optio aut electio consilium in facto hominis, quod cum persona jam interiit, §. 23. *Inst. de leg.* licet jure novo hoc in meliorem statum sit reformatum & hæredi quoque legatarii licentia optandi aut eligendi data sit. d. §. 23. l. un. §. 10. C. de cad. toll. Denique idem usu venit in legato libertatis l. 7. l. 8. *quand. die leg.* unde, si servo cuidam propter libertatem aliquid relictum fuerit, non debëbitur ejus hæredibus, cum nec hujus dies cesserit, nisi ab adita hæreditate; nec hoc debeat, nisi liber factus fuerit.

§. 24. Nunc de legatis conditionalibus dicendum venit; hæc pendente conditione ad hæredes non transeunt, per l. un. §. 7. C. de cad. toll. l. 42. de Obl. & A. Licet enim Jur. Nat. maxime conveniat, ut jus expectandi etiam transferatur in hæredem, aliter tamen jure positivo constitutum esse voluere J. C. nostri in legatis: idque in favorem hæredum, quorum maximam illi curam semper habere solent, sc. testator magis præsumitur prospicere velle hæredibus, quàm legatariis, aut eorum hæredibus, qui incerti ipsique incogniti erant, ergo legatum sit caducum & illius est, quem testator hæredem instituit, d. l. 42. d. O. & A. Secus est in conventionibus conditionis.

ditionalibus, ubi Juri Nat. suus adhuc stat tenor, cum singularis ille favor ibi cesset; & creditor in illis ipse disponat, & prospiciat suo hæredi l. 9. de probat. V. Gomez. tom. 2. resol. 11. num. 36.

Quædam
malè à Dd.
quibusdam
inter condi-
tionales re-
feruntur.

§. 25. Quæ de legato conditionalis diximus, limitant Dd. Vid. Nicol. Noal. de transmiss. cap. 2. quod tamen transmittatur legatum, si (1) conditio Legis dispositione vel ex natura rei legatæ sit addita, l. 99. de cond. dem. l. unie. §. cum igitur C. de cad. toll. (2) conditio adjecta sit impossibilis, juri bonisque moribus contraria, l. 5. §. 3. §. 4. quand. die. leg. aut (3) si conditio ipso jure insit, etsi a testatore adjecta, l. 32. d. leg. 2. Sed hæc inaccuratè ita traduntur, & malè inter exceptiones referuntur, quæ propriè tales non sunt. Conditio enim est oratio, quæ aliquid suspenditur in eventum futurum incertum an sit existiturus. Jam verò priori casu non est oratio seu dispositio d. l. 99. de cond. §. dem. arg. l. 73. pr. de V. O. in secundo verò casu conditio non potest existere, cum turpia non sint in facultate, nec ea quidem posse fieri credendum sit, l. 15. de cond. instit. neque ultimo casui inest conditio, cum solum admonendi causâ eam adjecisse intelligatur, non disponendi. V. l. 69. de hered. inst. l. 3. de leg. 1. Donell. Comment. l. 8. c. 32. His ergò casibus legatum erit purum, & in eo obtinebunt, quæ de puro diximus, §. 21.

Annua le-
gata an
transcant?
quod nega-
tur. Secus
ut in annuis
promissioni-
bus,

§. 26. Hoc de annuis legatis insuper notandum venit, quodd, cum variâ hoc casu sint legata variæque præstationes, & primi anni legatum sit purum, sequentium autem conditionale, sc. si vixerit, l. 4. de ann. leg. quale legatum non retrotrahitur ob præsumtum, uti dictum, favorem hæredis, illa non transcant ad hæredes. Non enim dies cessit, neque venit ante existentem conditionem l. 8. pr. eod. Aliud tamen dicendum de promissione annua, cum ei talis conditio non insit, & unicus saltem sit contractus, §. 13. Inst. de V. O. & ad hæredes transitorius & perpetuus, l. 16. §. 1. d. V. O. Junct. l. 3. §. 1. ff. de except. l. 34. §. fin. C. de donat. V. Gomez. tom. 2. resol. cap. 11. num. 45. §. 46.

Et quid
ratione fru-

§. 27. Fructus tamen ultimi anni, eo moriente penden-
tes

tes hæredibus competunt, secus ac in usufruct. V. §. 12, b. *Sum obtineat.*
fest. all. l. 8. pr. Annuum enim legatum consistit in facto hæredis, non legatarii, qui nihil præstat, sed ei quantitas saltem præbetur ab hærede. Accedit, quod in iis initio anni dies simul cedat & veniat, l. 12. §. 1. q. dies leg. l. 5. §. 22. de ann. leg. V. Gomez. *all. cap. n. 21.*

§. 28. Dispicimus jam de jure accrescendi. Cum in *Jus accrescendi ad hæredes transmittitur, pendente*
 eo unusquisque ab initio solidum consequatur, sequitur, quod si illo, qui habet jus accrescendi pendente forte alterius delib-
 liberatione fuerit mortuus, transmittat quoque idem jus ad *ratione, se-
 cus ac in substitutionibus.*
 hæredes, l. 9. de suis & legit. Alia ratio est substitutionis, d. l. 9. si substitutus ante institutum moritur, quoniam hoc jus est conditionale, & deficit, si substitutus pendente conditione decesserit. Indubitati quoque est juris, quod si legatarius pendente conditione deficiat, non transmittatur substitutio, quoniam in legatis conditio non retrahitur. Sed ob stare videtur, quod in jure accrescendi quoque hæc sit conditio, si alter defecerit. Sed responsio facilis est, cum hæc sit tacita conditio & ex natura rei insit, qualis non facit legatum conditionale, nec transmissionem impedit per §. 25. b. *fest.*

§. 29. Quarta juris in re species est jus pignoris, quod *Jus pignoris tacti, quod pupillo &c. in bonis tutoris &c.*
 in genere sumtum hypothecam quoque continet, l. 1. pr. ff. de pign. act. licet probè sint discernenda, de quo V. Bacchoy. *ad Wesenb. de pign. n. 13.* Cum autem pupillo, minori, &c. in bonis tutorum & curatorum ratione gestæ tutelæ & curæ tantum ex privilegii juris tribuatur pignus, l. 20. C. de adm. tut. Quær. an hoc beneficium seu privilegium sit reale, seu an ad hæredes transeat? Negatur hoc. Est enim (1) ejus sola & unica causa favor personæ non causæ, & (2) expressè constitutum est pupillis, non verò eorum hæredibus, l. 42. ff. de admin. & peric. tut. Dissentit. Carpz. qui tamen sibi ipsi non satis constans mox à se ipso discessionem facit, dum p. 2. c. 24. *defin. 12. in fin.* dicit expressè personalissimum, sed in sequenti definitione 13. dicit esse reale. Textus, quibus ille nititur, sunt in l. 20. C. de adm. tutor. l. un. C. de rei uxor. act. ubi dicuntur bo-

na esse obligata, privilegia bonis coherere. Sed resp. hoc ex natura pignoris verissimum est, cum illud non consistat in personis tutorum, sed bonis, seu rebus, quæ obligata sunt pignori: sed nos quarimus de privilegio, an hoc competat hereditibus? & negamus. Quod & praxi receptum Berlich. p. 1. concl. 67. n. 33. & præjudicio munitum est apud Matth. Coter. p. 2. decis. 274.

*Privilegium
dotis est
personale.*

§. 30. Sic quoque privilegium dotis est personale, ita tamen, ut quoque competat liberis ex eodem matrimonio i. e. communi patre, aut matre natis, ad quos in specie quoque est extensum, l. fin. C. qui pot. in pign. arg. l. 24. §. 1. ff. de rejud. Et hoc casu non reale; sed duplex personale dici posset privilegium (1) quod uxori competit, (2) quod liberis ejus jure novo concessum est, ultra quos non extenditur.

SECTIO III.

De

Translatione jurium, quæ sunt in personam.

*In obligationibus
conditionalibus in
heredes transire
debent.*

HActenus de translatione jurium defuncti, quæ in rem sunt, transimus jam ad obligationes seu jus ad rem, ex quo in creditorem transfertur actio personalis i. e. jus exigendi, (in quo consistit vinculum obligationis personalis,) & persequendi in judicio. Hoc jus an transferatur in heredem in conventionibus conditionalibus, primum vivendum. Si enim jam obligatio est, conditio caret effectus si conditionale, nulla erit obligatio quæ in heredem possit transire, cum eam conditio suspendat, l. 7. pr. de contr. emt. l. 213. d. V. S. Sed dicendum est, jus obligationum quidem hoc casu non esse natum, antequam conditio extat, adeoque ad heredem non transire. Est tamen jus aliquod eventuale, ut dicitur, quodd. sc. pendente conditione non possit recedi, sed debeat præcisè expectari eventus, l. 8. de per. & comm. rei vend. Hoc jus eventuale,

tuale; cum fuerit in defuncti persona radicatum, in conventionibus tranſſe in hæredes, & annumeratur ejus bonis, l. 73. §. 1. ad L. *Puſſid.* non quoad obligationem, ſed quoad exſpectationem, §. 4. *Inſt. de V. O.* & exiſtente demum conditione hæres agere poteſt, l. 57. ff. de *V. O.* Sed hæc ſecus eſſe in legatis conditionalibus ſuprà dictum eſt ſect. 2. §. 24. ubi & diverſitatis rationem dedimus.

§. 2. Plurimi tamen hæc negant de poteſtativis conditionibus; de caſualibus concedunt. Niebl. de Noal. de *transmiſſ.* poteſtativas conditiones extendendum, in quo diſſent. Dd. *caſ.* §. n. 8. Gail. 2. *Obſ.* 2. Tiraquell. de *retract. convent.* §. 1. gloſſ. 6. n. 15. Sed meo quidem arbitratu inaccuratè, ſi eodem modo conditio ab hærede poſſit impleri, puta, ſi in dando conſiſtat; cum enim illa etiam à quovis alio, noſtro tamen nomine, impleri poſſit, cur non & ab hærede poſſit, qui eadem cum defuncto perſona, planè non video. *Vid. l. cult. de cond. inſt.* l. 27. §. 1. de *rec. arbitr.* l. 15. de *in diem add.* l. 2. C. de *paſt. int. ent.* Conf. Cujac. in l. 57. ff. de *V. Obl.* Secus ergò erit, ſi factum perſonæ cohærens conditio contineat. *Vid. Vinn. ad §. 4. Inſt. de V. O. num. 7.*

§. 3. Diſſerunt à conditionalibus promiſſionibus annuæ promiſſiones, ſeu quæ in ſingulos ſunt annos, quæ cum unum tantum habeant initium, nullaque iis conditio inſit, ſed ſtatim peti poſſunt; §. 3. *Inſt. de V. O.* l. 16. §. 1. ff. *cod. V.* Illuſt. Dn. Coccej. in *Hypothem. Jur. ad Tit. de V. O. num. 7.* hinc morte non finiuntur, ſed ad hæredes tranſeunt, d. l. 16. §. 1. Ad tempus enim deberi nequit, tempusque tanquam res facti, ea quæ juris ſunt tollere nequit, l. 44. §. 1. de *O. & A.* etſi fuerit ſtipulatum, quoad vivum. Interim tamen hæres hoc ultimo caſu agere volens repellitur exceptione paſti de non petendo poſt mortem ſtipulantis, l. 96. §. 4. de *V. O.* vel etiam dolimali d. l. 56. §. 4. *cod. V.* modò laudatus Dn. Coccej. *all. loc.*

§. 4. Jam ad contractus ipſos. De quibus regulæ loco Regulariter eſſe poteſt, quod omnes ſerè ad hæredes tranſeant, nec cum & plerumq. contrahentium vitæ intereant. l. 3. §. 17. *negot. geſt.* l. 6. §. 17. l. 12. de *cond. indeb.* Quod & verum eſt, licet hæredum nulla tracta fuerit mentio, l. 8. §. 4. ff. de *pien. ad. l. fin.* C. de *contr. ſtip. functi.*

quod plerumque tam hæredibus nostris, quam nobis heredis
prospiciamus. l. 9. ff. de probat. 2. feud. 18. Quam mirari subit
illos, qui, ut clausulis suis supervacuis mirantur, quantum libe-
rales sunt, contrahentibus non satis cautum putant, nisi in
omnibus contractuum instrumentis hæredum quoque faciant
mentionem. Næ! illi nimis cauti sunt, ut & jam suo tem-
pore eos depexos dederit Coler. in process. execut. p. 1. c. 102.

*Et dices
quoque ex
propria
causa con-
dit: caus.
data causa
non secuta
habet.*

§. 5. Hoc tamen scrupulo carere non videtur, an cum
hæres in contractus, etiam quasi contractus succedat, ex pro-
pria poenitentia rem repetere possit, ex q. contractu datio-
nis ob causam, scilicet *conditione causa, data causa non secuta?*
Dn. Struv. Exerc. 18. §. 16. & Dn. Lauterb. ad eum Tit. ff. p. m. 97.
negativam defendunt. Sed his ut consensum præbeam, hoc
loco nequeo inducere in animum. Regula enim (1) certis-
sima est, quod nulla actio in hærede possit incipere, arg. tot.
tit. C. ut ait. ab hered. jam autem nulla obligatio ad ultimum
usque vitæ articulum indefuncto fuit. Ergo nec in hærede;
sed ex poenitentia propria rem repetere poterit, (2) Regula
æque certa est, quod omnes actiones ex quasi contractu ex
omni causa hæredibus dentur. Imò (3) regula certa manet
omne, quod sine causa penes tertium est, esse restituendum
ei, ad quem pertinet. Atqui mortuo eo, qui dedit, penes ac-
cipientem est sine causa, quare hæredi restitui debet. Ut
taceam negotium adhuc esse imperfectum, ex quo nulla est
obligatio; ergo in hæredem nulla transire potest. Neque
quicquam movet, quod in eadem voluntate defunctus per-
severaverit. Non enim ex ipsius voluntate, sed rei præsta-
tione hæc obligatio descendit. Vid. Mex. p. 8. decis. 135. At
que ita quoque pronuntiatur in Scabinatu Electorali, mense
Martio Anno 1649. refert Garpzov. p. 3. decis. Illust. 292.

*Limitantur
dicta (1) in
mandato,
quod ad hæ-
redes non
transit.*

§. 6. Limitanda tamen sunt dicta §. 4. quod nimirum
in hæredes contractus non transcant, vel si natura contra-
ctus hoc non patitur, qualis est *mandati*, qui regulariter morte
mandantis ac mandatarii tollitur. l. 19. §. 3. de don. arg. l. 27.
§. 3. mand. l. 57. ff. iud. Cum etenim in defuncto nullus fuerit

mandatum aut juris commutatio; siquidem mandans revocare, & mandatarius renuntiare potuerunt, l. 12. §. 16. *ead.* l. 22. §. *fin.* *ead.* nam cessabant obligationum fontes, cum neque jus alienum penes eorum aliquem fuit, neque factio alterius alteri quid ablit: ergo nec sustinere illa poterit in hæredibus, qui succedunt in jus defuncti, quale hîc nondum fuit: Huic adæquate rationi, & hæc adjici potest, quod mandans personam industriam elegisse, & mandatarius amici sui officium in se suscepisse videatur: quæ omnia sunt personalia, nemo enim mandat nisi amico & fideli, ut Cicero loquitur pro Roscio Comæd. qui raro, quem bonorum, eundem & morum suorum solet habere successorem.

Art. 7. At hæc suas patiuntur exceptiones: ut, adeoque heres mandantis succedat in hunc contractum: sc. (1) re non integra, l. 15. *C. eod.* tum enim interesse seu obligatio jam cepit in defuncto, quæ ergo in hæredem transit. (2) Si quis sui, vel hæredis sui causa post mortem aliquid fieri velit, veluti si quis alicui funeris sui curam mandaverit, aut ut post mortem suam sibi monumentum exstruat, vel ut hæredibus suis fundus emeretur, l. 14. §. 2. *de relig.* l. 12. §. ult. l. 13. *mand.* (3) Est exceptio in l. *fin.* ff. *de de solut.* si scil. quis tertius stipuletur rem post mortem Titii solvendam, rectè solvitur propter stipulationem, quod alias ex causa mandati non rectè solveretur: Sic quoque mandatarii hæredes in contractum succedunt, (1) Re itidem non integra l. 5. §. 5. l. 37. §. 1. *de adm. tut.* (2) Si mandatarii est captio aut damnum, l. 22. §. *fin.* *mand.* aut si (3) mandatarii hæredes errore juris mandatum executi fuerint, qui est casus elegans & notabilis, l. 57. *mand.* scil. Mango seu negotiatori mancipiorum, quæ à non domino erat negotiatus, peregrinè negotiandi causa profectus, Titio mandat servorum venditionem, quo ante venditionem mortuo, hæredes ejus non attendentes mandatum morte esse extinctum, servos vendunt, non uni, sed per naturam negotiationis pluribus, & diverso tempore. Reverso mangone duplex occurrebat dubium: Quærebat enim (1) an emtores usucapere possint? & resp. Jctus, quod sic: quia ad usucapionem suffi-

Nisi exceptis quibusdam casibus: Exploratur casus Leg. elegantis 57. mand.

sufficit rem non esse furtivam, & justum adesse titulum, quæ requisita hîc adsunt, cùm hæredes id non fecerint animo furandi, sed ex ignorantia juris, quæ ab omni dolo excusatur, & ex emptione sunt acquisita, qui titulus est ad transferendum dominium habilis: (2) fuit quæsitum, an mangoni ad repetendas non usucaptas detur Publiciana, si scilicet iste venditilius intra tempus usucapioni præscriptum reversus fuerit? Mirum quantum hîc variant sectiones: editio siquidem Florentina seu Pisana, omnium antiquissimum, imò Justiniano, si quid rectè viri harum rerum non ignorantes calculum posuere, corævum exemplar legit; non utiliter: vulgata verò inutiliter, quæ sensu conveniunt, verbis saltem discrepant. Verùm in aliis, uti in Holoandri, seu Norica legitur non inutiliter: cum qua conspirant, libri βασιλικῶν, certè non infirmæ autoritatis, qui legunt. ὑπερέφον δὲ ἐν τῇ ἐπιγραφῇ ὁ ἐμμετρίως καλῶς κινεῖ τὴν πубλικιάνην. lib. 14. Tit. 1. l. 57. quam insuper confirmant quidam codices veteres, & rationi legis maximè conveniens est, adeoque dicendum ei competere Publicianam; quia jus emtorum est infirmius; ut adeoque neutriquam obstat. l. 31. §. fin. de acq. emt. nam hi acceperunt ab hæredibus scientibus esse rem alienam, sed mango à non domino, qui putabat, se esse dominum, ut taceam, quòd hæredes alienaverint per ignorantiam juris, quæ est inexcusabilis. Sed quidni opponi poterit Publicianæ exceptio justî dominii? Removet hoc dubium JCtus, dum respondet, illam non dari, nisi cognita, sc. cujus jus sit potius, cujus infirmius. Sic sensus Legis patet clarissimè.

Societas
quoque non
transit ad
hæredes.

§. 8. Natura quoque societatis non patitur, ut ad hæredes transeat: quoniam immota juris est ratio, morte uniuscujusque totam societatem solvi, quam tradunt, l. 4. §. 1. l. 36. §. fin. pro socio. §. 5. Inst. eod. idque ob eandem, quam in mandato attulimus rationem, cùm societas revera sit mandatum, quo socii invicem suas partes curandas committunt, ut lucrum & damnum sit commune. Quòd aded visum fuit esse ex natura contractus hujus, ut quamvis ab initio conveniret, ut ad hæredes transeat, tamen tale pactum tanquam contra socie-

societatis naturam factum contemnere liceat, *arg. l. 35. pro soc. l. 72. §. 9. §. 11. eod. Honded. Conf. 85. num. 19. lib. 1. Gomez. var. resol. 1011. 2. c. 5. n. 6.* Exceptæ tamen singulariter sunt societates vœtigalium, in quibus ejusmodi conventiones utilitate publica compensantur, *V. l. 59. ff. pro soc.*

§. 9. Licet autem contractus societatis in futurum non transeat ad hæredes, ut hi societatem colere possint, transit tamen in hæredem actio ex societate præterita, *l. 63. §. 8. l. 65. §. 9. pro soc.* quia actio & obligatio hæc venit ex contractu, quæ semper transit ad hæredes, & perpetua est, licet forte ipsæ contractus quoad futurum non transeat.

§. 10. Diximus hætenus contractus quosdam, qui suâ naturâ in hæredem non transeunt, videnda jam erit imitatio, sc. quod ad hæredes non transeant contractus, qui sunt celebrati super re ad hæredes suâ naturâ non transmissibili. v. gr. si locatus fuerit usufructus, morte usufructus contractus locati, quia ipse usufructus ut supra sect. 2. vidimus, morte finitur. Idem est in stipulatione usus, *l. 38. §. 10. ff. de V. O. non*, quia stipulatio, sed quia usus morte usufructu extinguitur. His enim casibus contractus assumunt sibi naturam actus, super quo interponuntur.

§. 11. Illuc quoque in contractus non succedit hæres, si mens contrahentium & forma verborum contrarium suadeat: cum prouti quis de re sua disponit, ita ipse sit scilicet, *l. 1. §. 1. Itaque* quandoque emtio venditio ad dies vitæ celebrari solet, atque extinguitur jus in re emta cum persona defuncti. Fructus tamen perceptos hæredes retinebunt. *l. 2. C. de pact. pendentes* autem, et si maturi, pertinent ad dominum, cujus jus sequuntur, *arg. l. 44. de rei vind.* Usus tamen forè hac in parte jus Romanum subegit, ut ex *l. 7. §. divortio ff. solut. matrim.* fructus dividantur inter venditorem, & emtoris hæredes, pro rata temporis. V. Hartm. Pistor. lib. 1. quæst. 24. n. 11. Sic quoque si locatio quamdiu volueris est contracta, morte extinguitur, quia ultimus voluntatis humanæ terminus mors est, *l. 4. loc. cond.*

§. 12. Videamus jam ordine, quatenus modi tollendi debetum

Modi tollendi debetum

tam ipso jure,
hæredibus
profunt.

bitum hæredibus quoque profunt. Solvitur verò debitum vel ipso jure, vel ope exceptionis. Modi, quibus ipso jure tollitur debitum, seu qui sunt instar solutionis, profunt hæredi v. g. solutio, acceptilatio, novatio, compensatio. §. 3. *Inst. 4. mod. toll. Obl.* Quia his non solum tollitur obligatio, quæ personæ inhaeret, sed etiam ipsum debitum, quod rei inhaeret; si ergo debitum extinctum, ut non amplius debitum sit, liberantur hæredes, neque solvere tenentur, sed tuti sunt exceptionibus solutionis &c. etiam compensationis: duplici siquidem jure compensare potest hæres: (1) quod ipsi debetur, & debet, & (2) quod defuncto debetur & debet. *arg. l. fin. §. 4. C. de solut. delib.* idque omnium debitorum, quæ sibi, & defuncto debentur in solidum; nam inventario confecto actiones, quas ipse ut extraneus & hæres habet, non confunduntur. *arg. l. fin. §. 9. C. de ben. invent.*

Per exceptionem
pro-
funt., si sunt
reales ex-
ceptiones.

§. 13. Ope autem exceptionum si tollatur debitum, hæres sunt reales seu rei coherentes, in hæredem transeunt, adeo ut ipsi hæc exceptione tuti sint. §. *fin. Inst. de replic.* Est enim in eo summa æquitas, ut debitum, quod à reo exigere non potuit, nec ab ejus hæredibus exigatur. Quales sunt (1) *jurisjurandi*, etiam si non præstiterit defunctus, modò in judicio se declaraverit, nec in mora præstandi fuerit, l. 39. *de reg. jur.* licet hoc malè negetur à Lauterb. *ad Tit. de jurejur.* secutus in eo Brunnem. in *Process. Civ. c. 23. num. 19. §. 20.* secus ergo erit, si tacuerit defunctus, quia tum non apparet, an paratus fuerit ad præstandum juramentum. Ac ita quoque in praxi haberi, testem habemus Carpzov. l. 6. *resp. 190.* (2) *Rei judicate tot. tit. Except. Rei judic.* (3) *metus, doli aut erroris.* (4) *Non numerate pecunie*, quæ privilegiata exceptio transit pro residuo solum biennii, quod defuncto reliquum supererat, si lis per defunctum nondum fuit contestata, l. 8. *C. de non num. pec.* post biennium tamen tutus quoque erit hæres exceptione doli, si nimirum paratus sit probare, solutionem defuncto non esse factam, quæ exceptio est perpetua. l. 2. §. 3. *ff. de dol. l. 5. §. fin. eod.* quod & praxi receptum esse evincunt, Hartm. *Pist. p. 4. q. 12. n. 13.* Carpzov. p. 1. *Consil. 35. de fin. 66. num. 14.* Zanger. *de Except.*

Except. part. 3. c. 14. n. 67. (5) Pacti realis de non petendo, l. 57. de pact. licet rei non intersit, l. 33. eod. dum enim obligatio est sublata hoc pacto, illa non potest in persona hæredis reviviscere. Neque movet quod dicatur neminem posse stipulari alii, & huius sua intersit, pactis prodesse, l. 11. ff. de O. & A. l. 38. §. 17. ff. de V. O. Cum hæres cum defuncto sit una persona: V. scd. 1. §. 7. (6) Exceptio Scii Macedoniani. l. 7. §. 1. de except. l. 7. §. 10. de Scio Maced. quem textum dissentientium opinio recte opponit Brunnerman. ad all. l. 7. (7) Scii Vellejani l. 20. C. ad Scit. Vellej. Licet enim hæc duo privilegia certis personis sint data, (quod ipsum nonnullis erroris ansam præbuit,) attamen, quia ratione certæ causæ, sc. mutui & intercessionis, concessa sunt, indubio erunt realia, & ad hæredes transitoria, V. Perez. in Cod. ad Tit. Scii Vellej. n. 24. Zanger. de except. p. 3. cap. 11. n. 18. it. cap. 12. num. 23. Eadem est ratio beneficii restitutionis in integrum, l. 8. §. ult. de minor. Donnell. l. 21. cap. 14. & late Alphonsi. de Olea de cess. iur. & all. tit. 3. quest. 8. n. 43. seq.

§. 14. Quæ verò in personam sunt exceptiones, seu ratione personæ indultæ, illæ hæredi non prosunt, sed soli reo principali. l. 7. §. 1. d. Except. Qualis est (1) Exceptio pacti personalis de non petendo, v. gr. ne à me petatur, utpote in quo omnia manent integra, l. 7. §. 8. l. 57. §. 1. de pact. nec obligatio tollitur, sed eximitur solum persona debitoris, arg. l. fin. de duob. reis. & obligatio salva manet contra hæredem, quia jam persona est extincta, quæ obligationi erat exempta, l. 17. §. 3. l. 21. §. 1. de pact. l. 3. §. 3. ff. de lib. leg. Si tamen hæredis quoque in specie facta sit mentio, huic quoque proderit. Potuit enim defunctus, dum viveret, pactum personale constituere, non tantum in sua persona, sed etiam in persona hæredis. Pactum hoc ergo illi proderit pro rata, quâ nominatus est l. 33. de pact. non in totum, de quo l. 56. d. V. O. Cum nominatur LL. XII. Tabb. ipso jure sint divisa, ita, ut nemo teneatur ultra suam ratam, quam accepit, nec hæres repræsentet defunctum, nisi pro parte, quâ hæres est. Videretur tamen manifesta pugna inter l. 17. §. 4. de pact. & l. 33. eod. quæ tamen

Non verò, si sint personales; ubi solutio l. 17. §. 4. de pact. subjicitur.

D

faci.

facili negotio tollitur, cum in d. l. 17. agatur de casu, ubi non solus pater debuit, sed filia simul, & sic fuere correi debendi, uti patet ex Legis principio, & hinc pactum unius correi alteri prodesse non potest, & licet alter alterius hæres exstiterit, quia, cum tale pactum, ut pro correo pactum, ab initio non valebat, ex post facto non potest conualescere (2) mortē quoque expirat *exceptio cessionis bonorum*, nec ad hæredes transit, §. *fin. Inst. de replic.* nec minus (3) *exceptio competentie*, l. 7. pr. ff. de Except. præterquam, quod in actione dotis detur filiis mulieris, qui patri hæredes exstiterunt, l. 12, seq. l. 18. sol. matrim. l. 24, §. 1. de re jud.

SECTIO IV.

De

Translatione juris defuncto ex delicto vel quasi quesiti.

§. 1.

Simplum ex delicto petendi jus ad heredem transit.

Videndum jam ordine nobis erit, quatenus in heredem transeat jus exigendi a delinquente, quod delicti vel quasi nomine defuncto debebatur: sive id sit. *simplum*, seu, quod pœnæ nomine solvendum est, *duplum*, *triplum* &c. Equidem de ipso *simplio*, quod ex delicto defuncto debebatur, nulla subest disceptatio, cum ratio ejus sit manifestissima. Defuncti siquidem patrimonium integrum nulla ratione dici potest, nondum recepto *simplio*, seu damno dato reparato, sed summa adhuc ei inest inæqualitas, quum *plus suo* habeat alter, defunctus autem *minus suo* possideat: adeoque hætenus adest *restitutio*, quod ex communi justitiæ regula pr. *Inst. de just.* Et jure est reformandum, & hæredi, qui in integrum patrimonium succedit, attribuendum, ut ita *restitutio* *medium* *equale* reddatur.

Etiā jus petendi Duplum, tripulum &c. seu pœnam,

§. 2. De *duplo* autem, ac *triplo* &c. quod pœnæ nomine defuncto debebatur, difficultas est. Quod enim præter ipsum *simplum*, quod patrimonio defuncti abfuit, pœnæ nomine debebatur, cum illud non debeat delinquens, tanquam *plus suo*,

suo, (alias non ipse, sed is, ex cuius bonis poena sumitur, puniretur, l. 22. C. de poen.) neque hujus nomine quid minus sit in patrimonio defuncti, quod manifestè traditur, arg. l. 35. in pr. de Obl. & Act. adeoque nulla subsit inæqualitas, videbatur primo intuitu dicendum esse, hæredi non plus simplò esse petendum. Veruntamen licet poena non sit in patrimonio actoris, cum sit delicti ultio (unde ultiones hominum antiqui poenas dixere, teste Pausan. in Lacon.) attamen cum in bonis defuncti fuerit jus poenam petendi, arg. l. 24. de V. Sign. hinc incipit quoque esse in hæredis, seu transit cum bonis ad hæredes, V. Acutissimus seculi nostri JCtus Dn. Henr. Coccejus, Disput. de Obl. hered. ex delict. defunct. sect. 2. §. 13. seq. Inde jam delinquens hoc plus suo habet, & tenetur ad restituendum hæredi ut equalitas resultet, quæ tolleretur, si habere juvat cuique non liceret, ut egregiè Cicero de Off. l. 2. c. 22. demonstrat.

§. 3. Ex quibus jam plenissimè constare putamus, ad hæredem transire, quicquid ex natura delicti deberur: Unde transeunt ad hæredes actiones ex delicto privato (1) rei persecutoria, l. 11. de cond. furt. l. 10. §. fin. de cond. ob turp. caus. l. 21. §. 5. rer. amotarum. &c. (2) Merè poenales: §. 1. de perpet. & temp. act. l. 1. §. 1. ff. de priv. delict. l. 47. d. furt. (3) item mixtæ: l. 14. §. 2. in fin. l. 16. §. ult. ff. quod met. caus. l. 2. §. ult. vi bon. rapt. §. 19. de Act. l. 23. §. 8. ad L. Aquil. &c. Vid. Dd. ad §. 18. Inst. de Act.

Series actionum, quæ ex delicto hereditibus dantur.

§. 4. Hodie, cum moribus nostris poenæ privatae nullæ sint, excepta injuriarum actione civili, omnesque hæ poenæ dupli, tripli &c. ferè sint sublatae, & earum loco judex pro ratione cujusque delicti Legibus civilibus definitam poenam exigat, suoque fisco, tanquam Jurisdictionis fructum, applicet Schulz. synops. ad Inst. Tit. de Action. lit. q. Gudelin. de Jure Noviss. l. 3. c. 13. §. Sed observ. Struv. Exerc. 46. §. 70. Willemb. Vol. 2. Disput. ad ff. 29. th. 17. Hub. in Lect. contr. ad Tit. de Act. quin hodie hæ actiones ratione poenæ transeant, valde dubito; cum enim jus illam petendi quæsitum non sit defuncto, utpote moribus exoletum, ad hæredes transire nequit.

Quid hodie obtineat ratione poenæ, ubi poenæ privata cessant.

§. 5. Quæ §. 2. diximus, ex iis fluit ad hæredes non tran-

Vindictæ non transe-

ant ad hæ-
redes (1)
quibus in-
jurias perse-
quimur.

transire (1) injuriarum persecutionem, & si quæ alia similis invenitur, §. 1. de temp. & perp. act. Cum enim injuria nullo modo sit in bonis actoris, cum vindicta non sit res patrimonii, per l. 2. §. 4. Coll. bon. l. pen. in fin. de sep. Viol. §. 10. Inst. de Injur. sed ad existimationem pertineat, non potest transire ad hæredes. Talis, præter ipsam injuriarum actionem, (puta, si violenti facta, nam quæ sit defuncto, hæredi facta videtur, & hoc nomine ipsius actio, l. 1. §. 4. §. 6. de injur.) §. 1. de perp. & temp. act. est actio, quæ datur ex edicto de in jus vocando. l. pen. ff. de in jus voc. cum injuriæ speciem præ se ferat dura illa, & quæ oborto collo fiebat, in jus vocatio. Item actio ad revocandam donationem ex causa ingratitudinis, l. 7. C. de revoc. donat. nec non actio in factum de calumniatoribus l. 4. ff. de calum. non ob ineptam illam rationem, quod Legibus ita placuerit, sed quod sit vindicta injuriæ, arg. l. 15. §. 33. ff. de injur. ac denique quærela inofficiosi testamenti, l. 7. in fin. ff. de inoff. testam. l. 5. C. eod. cum sit vindicta injuriæ exhæredationis, quæ & tanta erat, ut nec in filiis hoc exhæredationis fulmen nisi sub ficto insanix velo toleretur. l. 2. ff. de inoff. test. Omnino tamen transit saltem præparata per comminationem. l. 6. §. 2. l. 7. ff. eod. & in omnibus casibus, quibus impeditus fuit defunctus illam intentare, l. 3. C. eod. Iniquum enim visum fuit Imppp., cum, qui nondum illam intentare potuit, ab hæreditate excludi.

Ut & (2)
quibus cri-
mina publi-
ca vindica-
mus.

§. 6. Ex eodem quoque principio ad hæredes non transeunt (2) vindictæ criminum publicorum, quæ ad publicum jus vindicandæ malitiæ servandamque publicam tranquillitatem sunt comparatæ, arg. l. 32. ad L. Falcid. Quod tamen publica & popularia attinet, dantur illa hæredibus, non tamen quatenus talibus, sed ut aliis de populo iis licet proprio nomine experiri, l. 5. §. 5. de his qui deiec. l. ult. §. 1. C. si reus vel accus. l. 3. in fin. de Accus. Struv. Exercit. XLVI. §. 85.

Nisi licet cum
defuncto
contestata
sit.

§. 7. Transeunt tamen hæ actiones in hæredem post litem cum defuncto contestatam, §. fin. Inst. de perp. & temp. act. l. 87. l. 164. de R. J. Sic enim non amplius dantur ex delicto, sed ex quasi contractu litis contestationis, l. 3. §. 11. ff. de pecul. ex quo tum jus jam quæsitum est, quod cum augeat patri-
mo-

monium, & minuat, cum bonis defuncti ad hæredem devolvitur. Idque indubio fori usu approbatum, refert Carpz. p. 4. conf. 42. defn. 12. Qui effectus nuda judiciali citationi quoque tribuitur à Paulo in l. 33. de O. & A. quod & in Camera observari, testem habeo, Gail. 1. Obs. 64. n. 6.

§. 8. Licet autem actio injuriarum morte extinguatur, actio tamen recuperatoria, quæ quis ad ~~modum~~ adigitur, transit ad hæredem, licet lis nondum sit contestata. Harpr. ad §. fin. Inst. de perp. & temp. act. In hac enim actione nulla est questio de vindicanda injuria, sed de fama persequenda & honore. Indulgetur enim hoc hominum opinioni, ut fama putative ablata hoc putativo remedio in integrum restitueretur: cum alias verissimum sit illud Plauti in *Mofell*, quod *ille sit dives sit, qui sibi bonam famam servat*. Aut agatur ad mulierem.

SECTIO V.

An, quæ facti sunt, in hæredes transeant?

§. 1. Actenus translationem eorum jurium tractavimus, quæ vel ex jure personarum, vel rerum in hæredem transeunt. Cum autem in jure universo perpetua quedam sit oppositio eorum, quæ juris, & quæ merè facti sunt, hinc instituti ratio postulabit, ut numquid & ea quæ in facto consistunt, in hæredem transeant, brevibus dispiciamus.

§. 2. Et profectò, si quæ in jure nostro reperiuntur, quæ minus sensere Justiniani manum, sed ex intimis ipsius Juris Naturæ fontibus desumpta sunt, sunt profectò ea, quæ in facto consistunt. Quid enim, quæso, rationibus Juris Gentium magis conveniens, aut excogitari, aut dici poterat à Jctis nostris, quàm, quod ea quæ facti sunt, in hæredem non transeant, sed cum ipsa persona intereant? Nonne enim factum est actus, qui ex facultate mea naturali procedit, quæ non magis esse potest alterius, quàm unius factum alterius esse potest. Quod & ex ipsa definitione hereditatis manifestò liquet, Quæ in facto consistunt, non transeant, quod ex jure Gent. est.

liquet, dum est successio in universitatem quidem, non tamen in omnia, quæ defuncti fuerunt, sed in universum. NB jus defuncti, l. 62. ff. de R. J.

Ulti (I) possessio, quæ meri facti est.

§. 3. Hinc ad heredem non transit (1) possessio, tanquam nobilissima species eorum, quæ facti sunt, l. 1. §. 1. Et ff. de acq. poss. l. 12. §. 20 ff. de capi Et postlim. arg. l. 2. ff. uti possid. licet ex utroque jure hoc mutipotur, quodd remediis juris defendatur instar juris, donec de jure decisum fuerit. Vid. supra laudatus Illust. Dn. Coccej. Disp. de iis quæ facti sunt sect. 3. Sed requiritur hæredis apprehensio naturalis, l. 23. pr. ff. de acq. v. amitt. poss. idque ratione naturalis. Cum enim possessio, quæ facti est, foret extincta in persona defuncti, utpote qui cum animo possessionem amisit, l. 1. C. de SS. Eccles. d. 4. 23. ff. acq. v. amitt. poss. non poterat continuari in hærede; cum aliena possessio nostra possessio fieri non possit. Alphonsi. de Olea de cess. tit. 6. q. 5.

Et (II) novi operis nuntiatio, ubi Gronov. notatur.

§. 4. Eadem ratione, (II) Novi operis nuntiatio non transit in heredem nuntiantis, sed cum ipsa persona interit, l. 8. §. 6. ff. de op. nov. nunt. Consistit enim illa in nudo facto personæ d. l. 8. quæ necessario cum persona interit, l. 20. §. 6. l. 22. cod. Ergo hæres ex sua persona novum opus nuntiare debet. Unde non ferenda est sententia Groenwég. ad l. 8. §. 6. d. t. statuentis moribus eam morte non tolli. Quam enim ad defendendam tuam causam allegat l. 20. §. 6. cod. illa de interdicto, non de nuntiatione, & de jure, non de moribus hodiernis loquitur: Illud enim semel natum non interit, uti nec coetere actiones. l. 22. cod.

Etiam si facta sit pro se & hereditibus, ubi Dd. communiter hallucinantur.

§. 5. Non defunt tamen Dd., quorum opinio fuit, nuntiationem novi operis quoque prodesse heredibus, si expressè nuntiatio facta sit pro se & hereditibus. V. Treutl. vol. disp. 18. th. 3. lit. a. Perez. in C. b. t. n. 21. Attamen, cum hæc juris mutatio satis doceri nequeat, & textus in l. 8. §. ult. cod. generaliter loquatur, sententiam illam merito post Bacchov. ad d. th. 30. rejicimus, & nuntiationis vinculum ad heredem transferri non posse, morte quippe jam solutum, statuimus, Conf. Brunnem, ad all. l. 8.

§. 6. Inde quoque est, quod electio legata, quæ in factio personæ consistit, morte extinguatur jure veteri §. 23. *Inf. de legat.* quod tamen correctum in l. ult. C. *comm. de legat.* Idem est in habitatione &c. aliisque factis personæ; quæ cum varia sint, & de illis plurima dicta sint *sed. 2.* circa legatorum materiam, ea hîc recensere longum foret, & inutile.

Ut & (1) alia plurima, que in factio personæ consistunt.

SECTIO VI.

Translatio jurium defuncti in heredem pro quota parte fiat.

§. 1.

POSTeaquam præcedentibus sectionibus enumeravimus seriem eorum, quæ in hæredes transeunt, jam ultimam hujc dissertationi imponimus manum, quatenus, & pro quota parte tota hæc juris in hæredem translatio fiat, brevibus contemplaturi. Si unus hæres est, cum in omnia defuncti jura succedere solum, manifestissimam habet rationem & facile patet. Sed omnis quæstio in eo erit, si plures sint cohæredes, quatenus fiat in hæredem defuncti jurium translatio.

Si unus hæres est, solus succedit in jus defuncti.

§. 2. Quod ut clarius dispalleseat, notandum, jus esse ejusmodi, quod vel divisionem etiam in actore non recipiat, aut natura rei, aut constituentium Lege. Et hoc casu unusquisque hæredem ex necessitate agere debet in solidum, satisfactione tamen præstita in hoc, quod supra ejus partem est, l. 1. §. 36. ff. *de pos. Anton. Faber in C. ad tit. de Inoff. test. n. 6.* Si judex igitur eas vellet dividere, perinde faceret, ac si naves singulas divideret, quod fecisse dicitur Q. Fab. Labeo, qui cum à Rege Antiocho ex fœdere isto dimidiam partem navium accipere deberet, *medias omnes secuit*, ut refert Val. Maxim. l. 6. c. 3. Unde & elegans ille jocus apud Macrob. *Saturn. l. 2. c. 6.* Isti Casellii est, qui mercatori interroganti, quonam modo navem cum socio divideret, respondit. *Navem si divides, nec tu, nec socius habebis.* Simile quid de Campanis, disse-

Si plures, transfertur in solidum in singulas, si jus sit indivisibile.

ctis

Quod pro-
batur exem-
plo servitu-
tum

His armis mediani partem auferentibus, narrat Posyn, *Stratag.* l. 6.

§. 3. Hinc via, itineris, aquæ ductus, usus &c. servitutum stipulatio, quoniam est individua, & pro parte earum nullus usus, nec pro parte quis possit ire & non ire, aquam ducere, & non ducere, l. 4. §. 3. si serv. vind. l. 17. de servit. plures hæredes actionem habent in solidum ad totum iter &c. consequendum. d. l. 17. de servit. l. 2. §. 4. de V.O. l. 25. §. 10. sam. ber. quia, ubi partes non sunt, ubicunque aliquid est, ibi totum est! Sicuti in summa potestate usu venit, quæ non inhæret parti, sed ubi est, ibi est in solidum, licet apud plurimos.

& pignoris.

§. 4. Idem usu venit in pignore, vel jure, vel pactione constituto. Pignus siquidem eam habet conditionem, ut non prius solvatur, quam tota pecunia sit soluta, l. 9. §. 3. de pign. att. Ea res facit, ut si debitor solverit totum debitum, excepto uno nummo, totum pignus teneatur, liceatque id & totum petere, & totum distrahere juxta l. 9. c. de distr. pign. Hinc in pluribus hæredibus creditoris usu venit, ut pignus unicuique teneatur in solidum, hujus enim parte non soluta, omnis pecunia non est soluta. l. 1. C. si un. ex plur. her. cred.

Si vero di-
viduum,
quilibet a-
git pro sua
parte.

§. 5. In cæteris vero juribus, quæ divisionem naturæ rerum, & nec refragante conditione constituentium, recipiunt, quin quilibet hæres pro sua parte agat, dubio caret. Est enim tum res inter eos communis, adeo ut etiam quoad minimam partem nulla uni sit propria, quare & quilibet pro sua agit parte, & si exigit partem suam, non tenetur pro rata cohæredibus communicare, si debitori post mortem testatoris inopia accidat. l. 38. ff. sam. herc. Donell. *Comment. Jur. Civ.* lib. 7. c. 10. Sic in dominium rerum plures succedunt. Idem est in usufructu, qui dividuus est l. 19. §. 4. comm. divid. l. 84. de Evict. Vinn. *select. quest.* 26. & in actionibus personalibus regulariter, l. 2. C. si pars her. pet. nisi ab aliis cohæredibus cessas habeat actiones l. 42. ff. sam. herc. Idque est, quod dicitur, ea, quæ in nominibus sunt, non recipere divisionem, l. 6. C. sam. herc. l. 1. C. de Except. Licet ex innumeris pauca sint, quæ

quæ non recipiunt divisionem, de quibus V. Donell. ad l. 2. §. 1. ff. de V. O. Alph. de Olea de Cess. tit. 4. q. 6.

§. 6. Exceptiones itidem ita sunt inter plures hæredes debitoris, uti est actio, quâ conveniuntur: Si singuli conveniuntur in solidum, exceptio quoque, quam opponunt, singulis in solidum dabitur, sin pro parte tantum conveniantur, non nisi & in eam partem exceptionem opponent; quod totum ex exceptionum natura erit desumendum. Nam si exceptio est exclusio actionis, l. 2. ff. de Except. non habebit omnino exceptionem hæres, nisi qui eam habebit, quâ institutâ actio excludatur, quod & sect. 4. monuimus.

Exceptiones
quatenus
dentur hæ-
redibus, hoc
ex natura
actionis de-
pendet, cui
opponuntur.

§. 7. In his autem, quæ dividuntur inter hæredes pro parte, non omnium eadem servatur divisio. Pecunia, si quæ in hæreditate continetur, dividitur numero inter hæredes, non corporibus. Eadem est & par ratio frumenti, vini, olei &c: quæ numero, mensura aut pondere constant, cum hoc commoditas rerum exigit, l. 29. in fin. ff. de solut. Item nominum hæreditariorum, seu earum actionum, quibus pecunia debita persecutio continetur, sicut & generum promissorum, l. 54. ff. de V. Obl. Cætera autem corpora dividuntur singula inter hæredes, d. l. 54. non tamen ita, ut corpore partes habeant, sed juris intellectu, eoquæ sint illæ partes, quæ dicuntur indivisæ.

Quenam
jure divisio
fiat in divi-
dis.

§. 8. Sed, ut concludam, hæc tandem sunt, quæ de ætanti hoc capite dicenda habui. Si forte animi languen-
tis præ se ferat notas præsens dissertatio, veniam deprecor;
sin verò in nonnullis placui, Trinuno Numini immortales
debeo gratias, cujus auxilio quod hæctenus à valetudine ad-
versa liberum in literis exactum est tempus in acceptis sero,

Epilogw.

F I N I S.


COROLLARIA.

I. P Ræscriptio non est Jur. Natur. nisi immemorialis sit, aut ex lapsu temporis appareat dominum animum recuperandi abjecisse.

E

II, Non

- II. Non prodest Jus Gent. legato, quò minus à Principe, in cujus territorio est, ob delictum puniri possit, cum eo jure sit sanctus, non impunis.
- III. Male improbaturs electio Imp. Sigismundi, quodd sibi primum dederit suffragium.
- IV. Titulus *Don Gottes Gnaden* competit quoque apanagiatis Principum.
- V. Par in parem habere potest imperium.
- VI. Regula, quòd *mutatâ personâ desinant usurae usurarum*, & *contra*, ab omni juris ratione est aliena.
- VII. Culpa simpliciter posita, non ubiq levi significat, sed illam, quæ in negotio, de quo agitur, præstanda venit.
- VIII. Vidua potest esse, quæ virum jam habet.
- IX. Non omnis fur actione furti tenetur.
- X. Si priorum furtorum gratia facta est à Principe, nihilo minus ob tertium furtum ad furcam fur damnari potest.
- XI. Dormiens potest injuriam facere.
- XII. Possidemus aliquid verè & civiliter, quod tamen nec habemus, nec habere possumus, si volumus.
- XIII. Priùs aliquem capite damnare licet, & postea demum quærere, an liceat.
- XIV. Aliud est jus confusionis, aliud commixtionis.
- XV. Neque mare, neque flumen sunt res liquidæ.



BIBLIOTECA NAZ.
ROM.
VITTORIO EMANUELE